



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

González Téllez, Emanuel

Francofurti Ad Moenum, 1690

Caput VI. Idem Abbati, & Fratrib. (a) Cryptæ Ferratæ.

[urn:nbn:de:hbz:466:1-74526](#)

teri proventus juxta testatoris dispositionem piè erogentur, ut probavi in cap. si heredes, de testam.

nisi hospitalia sint sub speciali protectione Principis; nam tunc iudex secularis ea visitare potest, & est tantum competens in eorum causis.

Trident. sess. 22. de reform. cap. 8. variis decisionibus firmant Cabedo de patron. Reg. cap. 42. Cevallos commun. 4. part. question. 897. & 982. Solorzonus lib. 3. de jure Ind. capite 3. ex num. 51.

C A P U T V.

Innocentius III. (a) Constantinop. Patriarchæ.

Intra quatuor. *Et infra*: De monasteriis quoque Græcorum in seculares canonicos convertendis f. t. respondemus, quod quandiu per regulares viros, sive Græcos, sive Latinos remanere potuerint ordinata, non sunt ad seculares clericos transferenda: sed si regulares defuerint, propter eorum defectum in eis seculares clerici poterunt ordinari.

N O T A E.

1. (a) **C**onstantinop. Ita etiam legitur in tertia compilatione, *sib hoc tit. cap. 1.* integrum autem epitolam retuli in cap. cum inter, de clericis peregrin. ex qua hujus textus literam restitu.

C O M M E N T A R I U M.

2. **E**x hoc textu communiter deducunt DD. beneficia regularia non esse clericis secularibus conferenda, vel econtrâ; ad idque textum hunc expendunt Garcia de benef. p. 7. cap. 10. num. 6. Gonzalez in regul. 8. Cancel. gloss. 8. num. 43. Corrasius de sacerd. p. 1. c. 5. n. 7. & p. 3. c. 5. num. 13. Azor p. 2. infinit. moral. lib. 3. c. 26. q. 5. quos refert & sequitur Barbola in presenti, num. 2. quod axioma expolii suprà in cap. quod Dei, de statu monach. Sed ex hoc textu id minimè probatur, nec recte repetentes hic præsentem Decretalem accipiunt de reformatione monachorum facienda per monachos, & in eorum defectum per clericos: agitur enim in præfenti de canonicis regularibus, qui frequenter appellantur monachi, & eorum Ecclesiæ monasteria cap. relatum, de prebend. cap. quia tua 12. quest. 1. cap. prefens 20. quest. 3. Unde Innocentius III. qui fuit Canonicus regularis Lateranensis, in cap. post translationem. de renunc. Canonicos S. Frigidiani monachos appellat: latè probant Pennitus lib. 1. hisfor. canonic. regul. cap. 38. num. 4. Dubal. ad regul. D. Augustin, part. I. cap. 1. num. 20. Unde cum Constantinopoli, & in ejus Patriarchatu essent plura monasteria canonicorum regularium Græcorum, captâ Constantinopoli à Latinis temporibus Innocentii nostri III. plures ex ipsis Ecclesiis re-

gularibus destituta fuerunt Canonicis regularibus; unde inter alia consuluit Innocentius III. Patriarcha CP. utrum posset propter inopiam canonicorum regularium, canonicos seculares in ipsis Ecclesiis apponere: Et respondet Innocentius, posse; & recte, ut probat Moneta de commut. cap. II. conclus. 13. & juxta utriusque juris principia; nam quoties Res publica, vel Ecclesia idoneorum hominum penuria laborat, minus idonei quandoque muneribus obeundis admoveantur, quia utilius est honoribus praefici minus idoneos, quam omnino nullos. 1. 3. §. ffurios, ff. de Decr. unde cum tantum majores 25. annis ad Empublicam gubernandam admittentur, l. 8. ff. de muner. & honor. ob civium penitiam minores admittuntur, l. 2. C. qui astate, l. 1. C. qui, & adversus quos. Et licet olim Romæ in fiscipendi Magistratibus patres orbis, atque celibibus præferrentur, ob exhaustam urbem tamen orbi aliquando admissi fuerunt: refert Dio lib. 53. & 56. faciunt textus in l. ob penuriam 105. Cod. Theodos. de Decr. l. nos perpetui. C. de Suscept. Prepos. & Arcar. lib. 10. cap. 1. dist. 23. juncto Forner. lib. 5. quodid. cap. 10. unde licet perfectior fuisset vita, seu professio canonicorum Regularium, tamen ob eorum defectum canonici seculares admitti valent, capite relatum 7. de prebend. arguento capituli 4. de regul. juris: extra eum autem casum necessitatibus tantum id Pontifici licet, ob prohibitionem juris, de qua in cap. quæ semel 19. quest. 3. cap. pervenit. 8. quest. 2. cap. relatum 7. ne clerici vel mon. quamvis è contrario Episcopus per se possit Ecclesiam secularem in regularem transferre, quia favorabilior est hæc mutatio, cap. si Episcopus 12. quest. 2. cap. penult. de eccl. adfisc. Varis exemplis illustrat Chopinus lib. 1. sacr. pol. titul. 3. & libro 1. monast. titul. 3. num. 6.

C A P U T VI.

Idem Abbati, & Fratrib. (a) Cryptæ Ferratae.

- C**onstitutus in præsentia nostra Episcopus (b) Alban. in Ecclesia Castræ, quod Pauli dicitur, in qua juspatronatus monasterio vestro recognoscet, à vobis jus Episcopale petebat, quoniam sita erat in diœcesi Albanen. & ideo de jure (c) communis tenebatur in Episcopalibus respondere. Secundò quoniam in multis privilegiis Roma-

Romanorum Pontificum distinguentibus fines dicec. Alban. inter alias, in quibus Episcopalem jurisdictionem exercet, hæc Albanen. Ecclesia auctoritate Apostolica confirmatur. Verum æconomus vester proposuit ex adverso, quod etiæ Ecclesia sita esset in diœcesi Albanen. ei tamen non tenebatur in aliquo respondere, cum Alberticus quondam fundator de assensu felicis rec. (d) B. Pp. præd. n. monasterio Cryptæ Ferrata sapientiam Ecclesiæ contulisset. Præterea bon. mem. (e) Dominicus Lavican. Episcopus, de quo non erat contentio inter partes, quod idem fuit Episcopus Alban. universas Ecclesias ad vestrum monasterium pertinentes in diœce. eadem fitas, & quicquid juris tam in monasterio vestro Cryptæ Ferrata, quam in eis habebat, in emphytevsum sub annua octo denariorū usualium pensione, quotquot annis dandorum in capite, per publicum instrumentum monasterio vestro concessit, ita videlicet, ut licet Abbatii, & fratribus ejusdem monasterii à quocunque vellent Episcopo, tam ordinationem (f) clericorum, quam consecrationem altarium in ipso monasterio & prædictis Ecclesiæ obtinere, in quibus vobis tertiam mortuariorum indulxit. Item fel. rec. B. Pp. præd. n. quod ab eo factum fuerat, suo privilegio confirmavit, & ex certa scientia statuit in perpetuum observandum. Verum etiæ Ecclesia ipsa fuisse aliquando Ecclesia Alban. subjecta, monasterium tamen vestrum nihilominus legitima se poterat præscriptione tueri, cum per xl. annos ipsam pacificè possedisset: quod per testes idem nifus est æconomus comprobare. Cæterum æconomus Episcopi memorati ad objecta respondit, quod concessio fundatori Albani. Ecclesia non nociebat, cum fundator solum jupatronatus monasterio concesserit memorato, & ipse super jupatronatus vobis controversiam non moveret. Concessionem autem Episcopi Lavican. non tenere dicebat, utpote continentem simoniacam pravitatem. Cum enim tertiam (g) mortuariorum monasterio concessisset eidem, & tam in ordinationibus clericorum, quam altarium consecrationibus indulsisset, ei plenariam libertatem, sic videlicet, ut ea possent à quocunque mallent Episcopo sine contradictione cuiuslibet obtinere, non est dubium, quin cum spiritualia hæc existant, quoniam eo ipso, quod super his recompensationem certa pensionis accepit, committit vitium simoniz. Unde contractus hujusmodi, velut simoniacus, nullam obtinet firmitatem. Confirmatio autem Ap. Sed. fuerat super hoc per subreptionem obtenta, cum in eadem de pensione nulla mentio habeatur. Et infra: Præterea nec insolitus est, nec novum, ut cum Episcopi Ecclesiæ aliquas tam in spiritualibus, quam in temporalibus concederint piis locis, aliquid sibi servetur in eis nomine pensionis. Nos quoque cum vel libertatis privilegium, vel protectionis præsidium aliquibus Ecclesiæ indulgemus gratis, accipimus censem gratis oblatum, & in litteris nostris ad successorem nostrorum memoriam census exprimimus, & etiam quantitatem. Et infra: Nos igitur auditis his, & aliis hinc inde propositis, æconomum monasterii vestri æconomio ejusdem Episcopi Eccles. Lavican. nomine in solutionem pensionis prædictæ, juxta ratam, quæ contingit prædictam Ecclesiæ, & restitutionem subractâ xl. annis secundum ratam eandem, per diffinitivam sententiam condemnamus, & eundem æconomum vestrum ab impetione æconomi ejusdem Episcopi super aliis reddimus absolutum, perpetuum silentium imponentes illi. Licet autem in instrumento concessionis prædicti Episcopi Lavican. expressa fuerit certa pena, quam pars contractum non servans solveret observanti: cum tamen utraque pars pervenisse contra illum, ex confessione propria convincatur, cum & pars vestra Episcopo subtraxerit pensionem, & Episcopus proculationem exegerit ab eadem Ecclesia, sicut æconomus proposuit memoratus, utramque partem ab ea reddimus absolutam.

NOTÆ.

1. (a) **Ferrata.**] Ita etiam legitur in cap. 2. hoc tit. in 3. collect. & in capite constitutus, de penit., ubi extat alia pars hujus Decretalis. Crypta Ferrata distat ab urbe Romana per decem millia passuum, & à planicie Romani agri per duo millia, extatque in eminenti planicie posita ad Orientem: ibi est monasterium ordinis D. Basili immunitate subiectum Summo Pontifici, in quo Græco sermone, & ritu divina officia celebrantur, ut refert Bernardus Saccus lib. 1. Sicinensis his.

cap. 7. extat inter Auctores Italæ illustrissimæ; de quo monasterio in præsenti agitur, & aliam item inter Abbatem ipsum, & Episcopum Albanen. super institutione presbyteri in quadam parochia monasterio subiecta decidit idem Innocentius III. lib. 1. regestr. 13. epist. 129.

(b) **Episcopus Alban.**] Joannes videlicet natione Lombardus, Episcopus Viterbiensis, ac Tuscanensis, qui creatus fuit Presbyter Cardinalis tituli Sancti Clementis à Clemente III. anno 1189. & ab Innocentio III. Episcopus Cardinalis Albanensis anno 1199. ut refert Ughellius

in Ecclesia Alban. num. 37. De diœcensi Albanensi nonnulla notavi in cap. 4. de tempor. ordin.

(c) *Fare communī. Ex c. omnes basilica, cum aliis 16. quest. 3.*

(d) *B.] Benedicti videlicet IX.*

(e) *Dominicus Lavicanus.] Aliqui legunt Levitanum, alii Lucan. alii tandem existimant Dominicum cognomento Levitanum dictum fuisse, ut refert Holtiensis in presenti. Sed ut hæc verba, & illa sequentia, fuisse Episcopum Albanensem, intelligantur, siendum est, Lavicanam diœcesim esse in Tusculana regione, & ejus Ecclesiam unitam fuisse Tusculana diœcesi: unde licet legatus per annum 1026. Dominicum Lavicanum Episcopum fuisse, ut refert Ughellius tom. I. Italie sacre, fol. 268, tamen perit nomen Lavicanæ diœcesis; quia ea translata fuit in Tusculanam, & ita postea Episcopi Tusculani appellari coepert: unde cum iste Dominicus ex Episcopo Lavicanio postulatum fuisse in Episcopum Albanensem, ideo in præfenti refertur, ipsum fuisse Episcopum Lavicanum, & Albanensem.*

(f) *Ordinationem clericorum.] Regulares enim debent recipere sacros ordines ab eo Episcopo, in cuius diœcensi situm est monasterium, cap. si quis. d. 58. quia ministerium ipsum pro titulo habetur, cui addicetur ipse clericus ordinandus. Concil. Chalcedon. can. 6. bull. Leonis X. qua incipit Dum intrat, & extat intra sessionem 11. Concil. Lateran. sub ipso celebrati, ibi: Ut nullatenus eorum Ecclesiæ, sive domibus, aut aliis eorum locis ab alio quam à diœcesano Episcopo, vel ejus Vicario super hoc cum debita reverentia requisito, absquerationib[us] causa contradicente, vel in ea diœcesi absente, ad dielos*

Ordines promoveri debeant. Et ita declaratum fuisse pro expositione Concilii Trid. sess. 23. de reform. cap. i. refertur à Barbosa his verbis: Gregorius XIII. statuit, ut regulares suscipiant ordines sacra ab Episcopis in cuius diœcensi sunt monasteria, in quibus tunc degunt, vel dimissoribus ab eis accipiunt. Probauit Hallierius de sacris elect. c. 3. art. 8. §. 2. Henriquez lib. 10. summa, c. 23. n. 4. Licet enim in aliis clericis ordinantis triplex Episcopus proprius detur, videlicet originis, beneficii, & domicilii, ut late probavi in cap. 3. de tempor. ordin. tamen erga regulares tantum Episcopus domicilii attenditur: non vero originis, aut beneficii. Non originis, quia cum per professionem mortui seculo dicantur, ut probavi in cap. de regularibus, eorum origo amplius repetenda non est. Non etiam adeat Episcopus proprius ratione beneficii, quia religiosi per ipsam professionem redduntur incapaces cujuscumque beneficii, ut probavi in c. quod Dei 5. de statu monach. Quare Episcopus proprius ratione domicilii ille tantum dicetur, in cuius diœcensi monachi degunt. Inde etiam insertur quod cum canonici regulares capaces sint beneficij secularis, ut probavi in d. c. quod Dei, inde ab Episcopo, in cuius diœcensi beneficium obtinent, ad factos ordines promoveri valent.

(g) *Mortuariorum.] De portione mortuariorum, seu ex mortuariis Episcopo debita, egi in cap. officii, cap. final. de testam.*

(h) *Et ex certa scientia.] Unde non erat, cur quereretur de justitia hujus conventionis, & an simoniaca esset, nec-ne, cum per Romanum Pontificem ex certa scientia confirmata esset, ut jam notavi in cap. final. de p[ro]p[ri]etate, ubi textum hunc exposuimus.*

C A P U T VII.

Idem Abbati, & Conventui (a) Farfen.

Cum venerabilis f. n. I. (b) Sabin. Episcopus coram dil. fil. nostris R. tit. Sanctæ Anastasiaz presbytero, & P. Ianctæ Lucia ad Septem Sol. Diacon. Cardinalibus, quos sibi, & R. procuratori vestro concessimus auditores, Ecclesiam sancti Angeli de Cantia cum suis pertinentiis, & possessionibus periusset, afferens ad se eandem, tam in spiritualibus, quam in temporalibus pertinere, allegavit ante omnia jus commune: quia cum eadem Ecclesia constituta sit in diœc. Sabin. ut dicebat, sub ipsius debebat consistere potestate, juxta canonicas sanctiones. *Et infra:* In temporalibus quoque ad te dictam Ecclesiam pertinere idem Episcopus nitebatur ostendere per publicum instrumentum, in quo continetur expresæ, Joan. Sabin. Episcopum Hugoni Farfen. Abbati, & duabus personis post ipsum, Govaldo & Panavello cum suis pertinentiis iuridictam Ecclesiam locavisse pro annua i v. sol. Papiens. pensione, in assumptione B. Mariae persolvens. Sed pars vestra proposuit, instrumento prædicto nullam fidem penitus adhibendam, propter superlinearem scripturam, & (c) rasuram loco suscep[er]to factam, ubi videlicet annotatio temporis recensetur. Fuit insuper ex ipsius parte propositum, quod cum ab Ecclesia sancti Angeli nomine monasterii vestri multò tempore fuerit certa pensio Ecclesiæ Sabin. soluta, manifestè liquebat, ad eandem Ecclesiam, à qua locatio fuerat facta, jure proprietario pertinere. *Et infra:* Ad hoc autem procurator respondebat prædictus, quod eti[am] quidam testes se vidisse deponant Ecclesiam sancti Angeli pensionem i v. sol. Sabin. Episcopo persolvisse; nullum tamen ex hoc vestro monasterio poterat præjudicium generari, cum non appareat, pensionem ipsam ex parte monasterii fuisse solutam: & quamquam etiam testes afferant, se vidisse multoties prætaxatam pensionem exsolvi; non tamen ostenditur tanto tempore præstata, quod usque ad præscriptionem legitimam porrigitur. Item sicut ad rei proprietatem locatio facta non (d) sufficit, ita solutio, nec perceptio pensionis.

D. D. Gonzal. in Decretal. Tom. III. Pars II.

Sff

E